

ВЕЛИКОЕ ОСВЯЩЕНИЕ ВОДЫ

Сразу после заамвонной молитвы священнослужители исходят царскими вратами к сосуду с водой. Предстоятель (в предшествовании священосца и диакона с кадилом и свечой) износит Святой Крест и полагает его на украшенном аналое около воды. Затем раздает свечи сослужащим и совершает обычное каждение окрест воды, кадит иконы и предстоящих.

ТРОПАРИ, ГЛАС 8 (ОБЫЧНО СТИХИРНЫМ НАПЕВОМ):

Хор: Глас Господень на водах вопиет, глаголя:/ приидите, примите вси/
Духа премудрости,/ Духа разума,/ Духа страха Божия,// явльшагося
Христа. *(Трижды)*

Днесь вод освящается естество,/ и разделяется Иордан,/ и своих
вод возвращает струи,// Владыку зря крещаемая. *(Дважды)*

Яко Человек, на реку пришёл еси, Христе Царю,/ и рабское Креще-
ние прияти тщишия, Блаже,/ от Предтечеву руку// грех ради на-
ших, Человеколюбче. *(Дважды)*

**Слава Отцу и Сыну и Святому Духу, и ныне и присно и во веки ве-
ков. АМИНЬ.**

Ко гласу вопиющего в пустыни:/ уготовайте путь Господень,/ при-
шёл еси, Господи, зрак рабий приим,/ Крещения прося, не ведый
греха./ Видеша Тя воды и убояшася./ Трепетен бысть Предтеча и
возопи, глаголя:/ како просветит светильник Света?/ Како руку по-
ложит раб на Владыку?// Освети мене и воды, Спасе, вземляй мира
грех.

Если освящение воды совершается одним иереем (без диакона), он может прочитать тайную молитву (Господи Иисусе Христе, Единородный Сыне, сый в недре Отчи, Истинный Боже...) во время паримий.

ПАРИМИИ:

Диакон: Премудрость.

Чтец: Пророчества Исаиина чтение.

Диакон: Воннем.

(Из главы 35:)

Чтец: Тако глаголет Господь: да возвеселится пустыня жаждущая, да
возрадуется пустыня и процветет, яко крин, и да прозябнет, и вся

возвеселя́тся. И возра́дуются пусты́нная Иорда́нова, и сла́ва Лива́нова дана́ бысть ей и честь Карми́лова, и лю́дие Мои́ узрят сла́ву Господню́ и высотú Бóжию. Укрепíteся, рúки осла́бленные, и, колéна разсла́бленная, утéшитесь, и рцýте малодúшным мýслию: укрепíteся и не бóйтесь, се Бог наш суд воздаёт, Той при́дет и спа́сёт нас. Тогда́ отвéрзутся очеса́ слепы́х, и ушеса́ глухы́х услы́шат. Тогда́ скóчит хромы́й, я́ко елeнь, и я́сен бýдет язы́к гугны́вых, я́ко проразы́ся в пусты́ни вода́ и дебрь в земли́ жа́ждущей. И бýдет безвóдная в бла́та, и в жа́ждущей земли́ истóчник воды́ бýдет. Та́мо бýдет весéлие птиц, водворéние сýринов, и трóстий, и бла́та. Та́мо бýдет путь чист, и путь свят наречéтся, и не мимо́дет та́мо нечы́ст, ниже́ бýдет та́мо путь нечы́стый, разсе́янии же по́йдут по нему́, и не заблúдят. И не бýдет та́мо льва, ниже́ от зверей лю́тых взýдет нань, ниже́ обря́щется та́мо, но по́йдут по нему́ избáвлении и со́браннии от Гóспода, и обратýтся, и при́дут в Сио́н с весéлием и ра́достью, и весéлие вéчное над главо́ю их. Хвала́, и ра́дование, и весéлие пости́гнет их, отбеже́ болéзнь, печáль и воздыхáние.

Диакон: Премúдрость.

Чтец: Прорóчества Иса́иина чтéние.

Диакон: Вóннем.

(Из главы 55:)

Чтец: Та́ко глаго́лет Господь: жа́ждущии, на во́ду идите, и, елицы не й́мате сребра́, шéдше, купите, и ядите́ и пй́йте без сребра́ и цены́ вино́ и тук. Вскýю цените́ сребро́ не в хле́бы и труд ваш не в сы́тость? Послу́шайте Мене́ и снёсте благáя, и насладй́тся во благй́х душá вáша. Внима́йте ушы́ма вáшими и послéдуйте путём Мои́м, услы́шите Мене́, и живá бýдет во благй́х душá вáша. И завещáю вам завет́ вéчен, преподóбная Давы́дова вёрная. Се свидéтельство во язы́цех, дах Егó Кня́зя и Повелй́теля во язы́цех. Се язы́цы, й́же не вéдяху Тя, призову́т Тя, и лю́дие, й́же не позна́ша Тя, к Тебé прибе́гнут, ра́ди Гóспода Твоегó и Свята́го Изра́илева, я́ко просла́вих Тя. Взыщй́те Бóга, и внегда́ вам обрестй́ Егó, призовй́те. Егда́ же а́ще прибли́жится вам, да оста́вит нечестй́вый пути́ сво́я и муж беззакóнный

совéты своя́. И обратíteся ко Го́споду Бо́гу ва́шему и помíловани б́удете, я́ко помно́гу оста́вит грехи́ ва́ша. Не суть бо совéти Мой, я́коже совéти ва́ши, ниже́ я́коже путиé ва́ши, путиé Мой, – глаго́лет Госпо́дь. Но я́коже отстои́т Не́бо от земли́, та́ко отстои́т путь Мой от путе́й ва́ших, и размышлéния ва́ша от мы́сли Моея́. Я́коже бо а́ще снiдет дождь или́ снег с Небесé и не возврати́тся отту́ду, дóндеже упои́т зéмлю, и роди́т, и прозя́бнет, и даст сéмя сéющему и хлеб в снeдь, та́ко б́удет глаго́л Мой, и́же а́ще изы́дет из уст Мои́х и не обрати́тся ко Мне тощ, дóндеже а́ще сконча́ет вся, ели́ка восхотéх, и поспешу́ пути́ Моя́ и повелéния Моя́. Весéлием бо изы́дете и рáдостию научи́теся, гóры бо и хóлми скóчат, ждúще вас в рáдости, и вся дрeвесá сéльная восплéщут вéтвьми. И вмéсто дра́чия взы́дет кипари́с, вмéсто же кропи́вы взы́дет мирси́на. И б́удет Госпо́дь во и́мя и в зна́мение вéчное и не оскудéет.

Диакон: Премúдрость.

Чтец: Прорóчества Иса́иина чтéние.

Диакон: Вóннем.

(Из главы 12:)

Чтец: Та́ко глаго́лет Госпо́дь: почерпíте вóду с весéлием от исто́чник спасéния. И речéши в день он: исповéдайтесь Го́сподеви и призови́те И́мя Егó, возвестíte во язýцех сла́ву Егó. Помяни́те, я́ко вознесéся И́мя Егó. Пóйте И́мя Госпо́дне, я́ко высóкая сотвори́. Возвестíte сия́ по всей земли́, рáдуйтеся и веселíteся, живúции в Сиóне, я́ко вознесéся Святы́й Изра́илев посреде́ егó.

ПРОКÍМЕН, ГЛАС 3:

Диакон: Премúдрость.

Чтец: Прокимен, глас трéтий: Госпо́дь просвещéние моé и Спаси́тель мой, когó убою́ся?

Хор: Госпо́дь просвещéние моé и Спаси́тель мой, когó убою́ся?

Чтец: Госпо́дь Защи́титель животá моего́, от когó устрашúся?

Хор: Госпо́дь просвещéние моé и Спаси́тель мой, когó убою́ся?

Чтец: Госпо́дь просвещéние моé и Спаси́тель мой,

Хор: Когó убою́ся?

ЧТÉНИЕ АПÓСТОЛА:

Диакон: Премудрость.

Чтец: К Коринфяном послáния свята́го Апóстола Пáвла чтéние.

Диакон: Вóннем.

ЧТÉНИЕ ВЕЛÍКОГО ОСВЯЩÉНИЯ (1Кор., зач.143, от середи́ны: гл.10, стт.1-4):

Чтец: Бра́тие, не хощú вас не вéдети, я́ко отцы́ нáши вси под óблаком бы́ша и вси сквозé мо́ре проидóша. И вси в Моисéя крестíшася во óблаце и в мо́ри: И вси то́жде бра́шно духо́вное ядо́ша. И вси то́жде пíво духо́вное пíша, пия́ху бо от духо́внаго послéдующаго ка́мене, ка́мень же бе Христóс.

Иерей: Мир ти.

Чтец: И дúхови твоeмú.

Диакон: Премудрость.

АЛЛИЛУА́РИЙ, ГЛАС 4:

Чтец: Аллилу́иа, аллилу́иа, аллилу́иа.

Хор: Аллилу́иа, аллилу́иа, аллилу́иа.

Чтец: Глас Госпóдень на вода́х: Бог сла́вы возгреме́, Госпóдь на вода́х мнóгих.

Хор: Аллилу́иа, аллилу́иа, аллилу́иа.

Диакон: Премудрость, прóсти, услы́шим свята́го Евáнгелия.

Иерей: Мир всем.

Хор: И дúхови твоeмú.

Иерей: От Ма́рка свята́го Евáнгелия чтéние.

Хор: Сла́ва Тебе́, Гóсподи, сла́ва Тебе́.

ЧТÉНИЕ ЕВА́НГЕЛИЯ:

Диакон: Вóннем.

ЧТÉНИЕ ВЕЛÍКОГО ОСВЯЩÉНИЯ (Мк., зач.2: гл.1, стт.9-11):

Иерей: Во вре́мя óно при́де Иису́с от Назаре́та Галиле́йскаго и крестися от Иоанна во Иордане. И áбие восходя́ от воды́, ви́де разводя́щася Небеса́ и Дух, я́ко го́лубь, сходя́щ Нань. И глас бысть с Небесе́: Ты еси́ Сын Мой возлю́бленный, о Нёмже благоволи́х.

Хор: Сла́ва Тебе́, Гóсподи, сла́ва Тебе́.

ВЕЛÍКАЯ ЕКТЕНИ́Я:

Диакон: Мíром Гóсподу помóлимся.

Хор: Гóсподи, помилуй. *(На каждое прошение)*

Диакон: О свѣ́шнем мíре и спасéнии душ нáших Гóсподу помóлимся.

О мíре всего мíра, благостоя́нии Святы́х Бóжиих Церквѣй и соединéнии всех Гóсподу помóлимся.

О святѣ́м хра́ме сем и с вѣ́рою, благоговéнием и страхом Бóжиим входя́щих в о́нь Гóсподу помóлимся.

О вели́ком Господíне и Отцѣ́ нáшем Святе́йшем Патриáрхе Кири́лле, и о Господíне нáшем, Высокопреосвященнейшем митрополíte (или: архиепи́скопе, или: Преосвященнейшем епи́скопе) **имярёк**, честнѣ́м пресвѣ́терстве, во Христѣ́ диа́констве, о всем причте́ и лю́дех, Гóсподу помóлимся.

О Богохранíмей странé нáшей, властѣ́х и вóинстве ея́ Гóсподу помóлимся.

О гра́де сем (или: О вéси сей), вся́ком гра́де, странé и вѣ́рою живу́щих в них, Гóсподу помóлимся.

О благо́растворéнии возду́хов, о избы́лии пло́дов земны́х и вре́менех мíрных Гóсподу помóлимся.

О пла́вающих, путеше́ствующих, недúгующих, стра́ждущих, пленённых и о спасéнии их Гóсподу помóлимся.

О е́же освятíтися вода́м сим сíлою, и дѣ́йствием, и на́йтием Свята́го Ду́ха, Гóсподу помóлимся.

О е́же снизходи́ти на во́ды сия́ очистíтельному Пресу́щныя Трóицы дѣ́йству Гóсподу помóлимся.

О е́же дарова́тися им благода́ти избавлéния, благословéнию Иорда́нову сíлою, и дѣ́йством, и на́йтием Свята́го Ду́ха Гóсподу помóлимся.

О е́же сокруши́тися сатанé под нога́ми нáшими вско́ре и разори́тися вся́кому совѣ́ту лука́вому, двíжимому на ны, Гóсподу помóлимся.

Я́ко да Госпо́дь Бог íзмет нас от вся́каго наве́та и искуше́ния сопроти́вника и досто́йны соде́лает обе́щанных благ Гóсподу помóлимся.

О е́же просветíтися нам просвещéнием ра́зума и благоче́стия, на́йтием Свята́го Ду́ха Гóсподу помóлимся.

О е́же низпосла́ти Гóсподу Бо́гу благословéние Иорда́ново и освятíти во́ды сия́ Гóсподу помóлимся.

О е́же бы́ти воде́ сей освящéния да́ру, грехо́в избавлéнию, во исцелéние душí и тѣ́ла и на вся́кую по́льзу изря́дную Гóсподу помóлимся.

О е́же бы́ти воде́ сей приводя́щей в Жизнь Вѣ́чную Гóсподу помóлимся.

О е́же яви́тися сей отгна́нию вся́каго наве́та ви́димых и неви́димых враг Гóсподу помóлимся.

О че́рплющих и ё́млющих во освящéние домо́в Гóсподу помóлимся.

О е́же бы́ти сей во очищéние душ и телéс всем, вѣ́рою че́рплющим же и причаща́ющимся от нея́, Гóсподу помóлимся.

О е́же сподóбитися нам испóлнитися освящéния вод сих причащéнием, неви́-

димым явлѣнием Святѣаго Духа Господу помѡлимся.

О еже услышати Господу Богу глас молѣния нас, грѣшных, и помѡловати нас Господу помѡлимся.

О избѣвитися нам от всякѣя скорби, гнѣва и нѣжды Господу помѡлимся.

Заступи, спаси, помѡлуй и сохрани нас, Бѡже, Твоею Благодѣтию.

Пресвятую, Пречистую, Препоблагословенную, Славную Владычицу нашу Богородицу и Приснодѣву Марию со всеми святѣими помянувшѣ, сами себѣ, и друг друга, и весь живѡт наш Христу Богу предадим.

Диакон: **Миром** Господу помѡлимся.

Хор: **Господи, помилуй.** *(На каждое прошение)*

Во время прошений ектении иерей тихо (или про себя) читает молитву:

Господи Иисусе Христѣ, Единородный Сынѣ, сый в нѣдре Отчи, истинный Бѡже, Источникѣ Жизни и безсмертия, Свѣте от Свѣта, пришедый в мир, еже просветити егѡ, озари нашу мысль Святѣм Твоим Духом и прими нас, величество и благодарѣние Тебѣ приносящих о яже от вѣка дивных Твоих великодѣйствѣих и еже в послѣднѣя вѣки спасительном Твоем смотрѣнии, в немже в наше немощное и нищее одѣявша смешѣние и работным мѣрам снизшедый, Иже всех Царю, ещѣ и рабскою рукою во Иорданѣ креститися претерпѣл еси, да, водное естество освятѣв, Безгрѣшне, путесотвориши нам еже водою и Духом паки рождѣние и к первому нас устроиши свободѣнию. Егѡже Божественнаго таинства воспоминѣние прѣзднующе, молимся Тебѣ, Владыко Человеколѡбче, воскропи и на ны, недостѡйныя рабы Твоя, по Божественному Твоему обещѣнию воду чисту, Твоегѡ благоутрѡбия дар, во еже над водою сею прошѣнию нас, грѣшных, благоприятну быти Твоею благастью и благословѣнию Твоему ей, нам же и всем верным людем Твоим даровѣтися в славу Святѣаго и покланяемаго Твоегѡ Имене. Яко подобѣет Тебѣ всякая слава, честь и поклонѣние со Безначальным Твоим Отцем и Пресвятѣм, и Благим, и Животворящим Твоим Духом, ныне, и присно, и во вѣки вѣков.

И завершает также тихо:

Аминь.

По окончании ектении возгласа не положено, но непосредственно после того, как певцы пропоют заключительное: «Тебе, Господи», иерей возглашает:

Иерей: **Вѣлий еси, Господи, и чудна делѣ Твоя, и ни единое же слѡво доволно будет к пѣнию чудес Твоих.** *(Трижды)*

Ты бо, хотѣнием от не сущих во еже быти приведый всяческая, и Твоею державою содержиши тварь, и Твоим промыслом строиши мир, Ты, от четырёх стихий тварь сочинивый, четырьми времены круг лета венчал еси. Тебѣ трепещут умныя вся силы, Тебѣ поёт солнце, Тебѣ славит луна, Тебѣ присутствуют звѣзды, Тебѣ слѣшает свет, Тебѣ трепещут бездны, Тебѣ работают источницы. Ты простѣрл еси небо, яко кожу, Ты утвердил еси землю на водах, Ты оградил еси море песком, Ты ко отдыханием воздух пролиыл еси. Ангельския силы Тебѣ слѣжат, Архангельстии лица Тебѣ кланяются, многоочитии Херувими и шестокрилатии Серафими, окрест стояще и облетающе, страхом непри-

стѹпныя славы Твоея покрываються. Ты бо, Бог Сый Неописанный, Безначальный же и Неизглаболенный, пришел еси на землю, зрак раба приим, в подобии человечестем быв, не бо терпел еси, Владыко, милосердия ради милости Твоея зрети от диавола мучима рода человека, но пришел еси и спасл еси нас. Исповедуем благодать, проповедуем милость, не тайм благодеяния: естества нашего роды свободил еси, девственную освятил еси утробу рождеством Твоим. Вся тварь воспевает Тя, явльшагося: Ты бо, Бог наш, на земли явился еси и с человеки пожил еси, Ты Иорданския струи освятил еси, с Небесе низпославый Святаго Твоего Духа, и главы тамо гнездящихся сокрушил еси змиев.

При троекратном произнесении слов «Ты убо, Человеколюбче Царю...» священник каждый раз благословляет воду рукой, не погружая руку в воду.

Ты убо, Человеколюбче Царю, прииди и ныне найдем Святаго Твоего Духа и освяти воду сию. (Трижды)

И даждь ей благодать избавления, благословение Иорданово, сотвори ю нетления источник, освящения дар, грехов разрешение, недугов исцеление, демонов всегубительство, сопротивным силам неприступную, Ангельския крепости исполненную, да вси, почерпающие и причащающиеся, имеют ю ко очищению душ и телес, ко исцелению страстей, ко освящению домов и ко всякой пользе изрядну. Ты бо еси Бог наш, Иже водою и Духом обновивый обетшавшее грехом естество наше. Ты еси Бог наш, водою потопивый при Нои грех. Ты еси Бог наш, Иже морем свободивый от работы фараони Моисеом род еврейский. Ты бо еси Бог наш, разрывивый камень в пустыни, и потеклоша воды, и потоцы наводнишася, и жаждущия люди Твоя насытивый. Ты еси Бог наш, Иже водою и огнем переменивый Илиєю Израиля от прелести Вааловы.

Сам и ныне, Владыко, освяти воду сию Духом Твоим Святым. (Трижды)

Даждь же всем, прикасающимся ей, и причащающимся, и мажущимся ею, освящение, здравие, очищение и благословение.

Спаси, Господи, и помилуй Великаго Господина и Отца нашего Кирилла, Святѣйшаго Патриарха Московского и всея Руси, и Высокопреосвященнейшего митрополита (или: архиепископа, или: преосвященнейшего епископа имярек, егоже есть область). И сохрани их под кровом Твоим в мире, покорй им всякаго врага и супостата, даруй им вся, яже ко спасению прошения, и жизнь вечную, да и стихиями, и человеки, и Ангелы, и видимыми, и невидимыми славится Твое Пресвятѣе Имя, со Отцем и Святым Духом, ныне, и присно, и во веки веков.

Хор: АМИНЬ.

Иерей: Мир всем.

Хор: И духови твоему.

Диакон: Главы ваша Господеви приклоните.

Хор: Тебе, Господи.

Священник, преклонившись, молится тайно:

Иерей: Приклони, Господи, ухо Твое и услыши ны, Иже во Иордане креститися извольный и освятивый воды, благослови всех нас, иже приклонением своея вѣи знаменующих работное воображение, и сподоби нас исполнитися освящения Твоего причащением воды сей, и да будет нам, Господи, во здравие души и тела.

Возглас:

Иерей: Ты бо еси освящение наше, и Тебе славу, и благодарение, и поклонение возсылаем со Безначальным Твоим Отцем и Пресвятым, и Благим, и Животворящим Твоим Духом, ныне, и присно, и во веки веков.

Хор: АМИНЬ.

После возгласа иерей крестообразно благословляет воду Честным Крестом, погружая его, взяв перстами обеих рук за концы перекладины. При этом духовенство поет начало тропаря, глас 1-й, а хор завершает, и так трижды:

Духовенство: Во Иордане крещаящуся Тебѣ, Господи,/

Хор: Тройческое явися поклонение:/ Родителей бо глас свидетельствоваше Тебѣ,/ возлюбленного Тя Сына именуя,/ и Дух в виде голубине/ известоваше словесе утверждение./ Явлейся Христѣ Боже// и мир просвещей, слава Тебѣ.

После этого иерей, держа Крест в левой руке, кропит крестообразно на четыре стороны (восток, запад, юг и север).

Затем, после кропления на четыре стороны при пении на «Слава, и ныне» праздничной стихиры, глас 6-й: «Воспоим, вернии...» священнослужители входят в алтарь.

Хор: Слава Отцу и Сыну и Святому Духу, и ныне и присно и во веки веков, аминь.

Стихира, глас 6:

Воспоим, вернии,/ еже о нас Божия благодеяния величество:/ о нашем бо прегрешении быв Человек,/ нашим очищением очищается во Иордане,/ Един Чистый и Нетленный,/ освящаяй мене и воды/ и главы змиев сокрушаяй в воде./ Почерпем убо воду с веселием, братие:/ благодать бо Духа верно почерпающим/ невидимо подавается от Христа Бога// и Спаса душ наших.

Диакон: Премудрость.

Хор: Благослови.

Иерей: Сый благословен Христос Бог наш, всегда, ныне и присно и во веки веков.

Хор: АМИНЬ. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебѣ, Христѣ Бѣже, Упование наше, слава Тебѣ.

Хор: Слава Отцу и Сыну и Святому Духу и ныне и присно и во веки веков. **АМИНЬ.** Господи, помилуй. *(Трижды)* **Благословий.**

ОТПУСТ:

Иерей: Иже во Иордане крестится изболливый от Иоанна, нашего ради спасения, Христос, Истинный Бог наш, молитвами Пречистой Своей Матере и всех святых, помилует и спасет нас, яко Благ и Человеколюбец.

По отпущении на середине храма поставляется горящий светильник, и около него изшедшие из алтаря священнослужители поют:

СЛАВЛЕНИЕ:

ТРОПАРЬ ПРАЗДНИКА, ГЛАС 1:

Духовенство: Во Иордане крещаящуся Тебѣ, Господи, / Тройческое явися поклонение: / Родителей бо глас свидетельствоваше Тебѣ, / возлюбленнаго Тя Сына именуя, / и Дух в виде голубине / извествоваше словесе утверждение. / Явлейся Христѣ Бѣже // и мир просвещей, слава Тебѣ.

Слава Отцу и Сыну и Святому Духу, и ныне и присно и во веки веков. АМИНЬ.

КОНДАК ПРАЗДНИКА, ГЛАС 4:

Духовенство: Явился еси днесь вселенней, / и свет Твой, Господи, знаменася на нас, / в разуме поющих Тя: / пришел еси и явился еси, // Свет Неприступный.

(Величание не поется.)

Только после этого поются многолетны:

МНОГОЛѢТИЕ